

UGOVOR

o snadbijevanju i isporuci goriva i maziva

zaključen između:

JAVNA USTANOVA HISTORIJSKI ARHIV SARAJEVO, ul. Alipašina br. 19, Sarajevo, ID 4200236860004, kojeg zastupa mr.sc. Fuad Ohranović, direktor (u daljem tekstu: kupac)

i
HIFA-PETROL, d.o.o. Sarajevo, ulica Hotonj bb, Sarajevo, Vogošća, koga zastupa Ahmetlić Hajrudin, punomoćnik (u daljem tekstu: prodavac)

I OPĆE ODREDBE

Član 1.

Ovim Ugovorom je regulisan predmet Ugovora, prava i obaveze ugovornih strana, način vršenja usluga, plaćanje, važnost Ugovora.

II PREDMET UGOVORA

Član 2.

Predmet Ugovora je snadbijevanje i isporuka goriva i maziva navedenih u ponudi sa jediničnom cijenom u iznosu od 6,980 KM sa PDV-om, putem direktnog sporazuma za javne nabavke, do kraja 2019. godine od dana zaključenja Ugovora, putem benzinskih stanica u Sarajevu s tim da ukupna vrijednost ovih nabavki na godišnjem nivou ne prelazi iznos od 1.500,00 KM.

- Dizel gorivo EN 590
- Bezolovni motorni benzin BMB-95
- Bezolovni motorni benzin BMB-98

III PRAVA I OBAVEZE UGOVORNIH STRANA

Član 3.

Prodavac se obavezuje da će po nalogu kupca vršiti snadbijevanje i isporuku goriva i maziva navedenih u članu 2. ovog Ugovora pod uslovima utvrđenim ovim Ugovorom i važećim standardima odnosno zakonima.

Član 4.

Prodavac se obavezuje isporučiti sve vrste goriva putem svojih benzinskih stanica pod uslovima iz ovog Ugovora i specifikacije iz tenderske dokumentacije.
Isporuka roba vršit će se na benzinskim stanicama prodavca u Sarajevu, za potrebe kupca na području grada, a za šire područje u Bosni i Hercegovini prema stvarnim potrebama na zatečenoj benzinskoj pumpi prodavca.

Evidentiranje utočenih količina i vrsta goriva na benzinskoj stanici se očituje potpisom ovlaštene osobe na specifikaciji preuzetih roba.

Prodavac je dužan na zahtjev kupca ovjeriti količinu utočenog goriva na putnom nalogu i izdati slip-otpremicu sa naznakom vrste i količine goriva.

Član 5.

Kupac je obavezan dostaviti prodavcu registarske brojeve vozila u koja će točiti gorivo.

Identifikacija ovlaštenih lica vrši se putem predočenja HIFA kreditne kartice i PIN-a koja je sastavni dio kod plaćanja usluge na BS. Kupac je obavezan prijaviti prodavcu svaku promjenu koja se odnosi na vozila u koja se toči gorivo.

Kupac, odnosno ovlaštenu zastupnik i vlasnik HIFA kreditne kartice i pripadajućeg PIN-a, obavlja kvantitativni i kvalitativni prijem robe na mjestu isporuke, u protivnom gubi pravo na naknadnu reklamaciju.

IV USLOVI PLAĆANJA

Član 6.

Za isporuku robe iz člana 2. ovog Ugovora sačinjen je cjenovnik koji je sastavni dio Ugovora. Jedinične cijene iz ponude su promjenjive zavisno o kretanju cijena na domaćem i svjetskom tržištu. Cijene roba važe na dan isporuke.

Član 7.

Prodavac je dužan ispostaviti račun kupcu svakih petnaest dana na osnovu pregleda specifikacije količine i vrste preuzetog goriva.

Kupac se obavezuje da isplatu za isporučenu, odnosno preuzetu količinu robe po ispostavljennoj fakturi izvrši u roku od 30 (trideset) dana od dana izdavanja fakture.

Fakturisanje će se vršiti po maloprodajnim cijenama odobrenim od strane Federalnog ministarstva trgovine (OPC obrasca) sa b/p HIFA-PETROL d.o.o. Sarajevo PJ Vogošća, Hotonj bb.

Član 8.

Kupac se obavezuje da će plaćanje izvršiti u korist prodavca nakon svake ispostavljene fakture putem Unicredit Banke d.d. Sarajevo, broj 3385502203296597.

V VAŽNOST I TRAJANJE UGOVORA

Član 9.

Ugovorne strane su se sporazumjele da se snadbijevanje goriva, koja su predmet ovog Ugovora, vrše do kraja 2019. godine.

Član 10.

Prodavac ima pravo kupcu ograničiti ili obustaviti daljnju isporuku robe u slučaju neurednog plaćanja.

Ugovorna strana koja zbog djelovanja više sile bude spriječena u izvršenju ugovorene isporuke ili preuzimanja robe ili plaćanja ugovorenog iznosa, dužna je drugu ugovornu stranu obavijestiti u roku od 24 sata.

Ugovorne strane će se sporazumjeti da li će utvrditi novi rok za isporuku, odnosno primanje ili plaćanje robe.

Pod višom silom podrazumijevaju se događaji koji se ne mogu predvidjeti subjektivnom voljom ugovorne strane.

Član 11.

Ugovor se smatra zaključenim na dan kada su ga potpisali ovlašteni zastupnici ugovornih strana, a ako ga ovlašteni zastupnici nisu potpisali na isti dan, Ugovor se smatra zaključenim na dan drugog potpisa po vremenskom redosljedu i važi godinu dana od dana potpisivanja. Promjene uslova ovog Ugovora mogu biti izvršene samo u pismenoj formi, odnosno aneksom na predmetni Ugovor.

VI PRELAZNE I ZAVRŠNE ODREDBE

Član 12.

Eventualni sporovi rješavat će se međusobnim dogovorom ugovornih strana. Ukoliko se nastali spor ne bude mogao okončati mirnim putem nadležan je Općinski sud u Sarajevu.

Član 13.

Ugovor je sačinjen u 4 /četiri/ istovjetna primjerka, od kojih prodavac zadržava 2 /dva/ primjerka, a kupac 2 /dva/ primjerka.

ZA KUPCA
DIREKTOR

Fuad Ohranović

Mr. sc. Fuad Ohranović



Broj: 02-1810-10/19
Sarajevo, 15.07.2019. godine



Halilović Nedim

Broj: 1351/19.
Sarajevo, 17.07.2019.